

Guangjsih Minzczu Bau

ganhhau: CN45-0036 B.2020 Nd.2 Ng.12 liggaeuq geijhah nienz ndwencieng cibgouj

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3410 期

Dieg Minzczu Vunznouix Guengjsae Yungh Song Vah Senh- conz Hong Yawhfuengz Gaemhanh Sinhgvanh Feiyenz

Hong yawhfuengz gaemhanh sinhgvanh feiyenz hainduj le, vih hawj vunzlai gak minzczu vunznouix bouboux dingq rox gij gvendaengz cwngeuz caeuq fuengzhoh cihsiz yawhfuengz gaemhanh sinhgvanh feiyenz, Guengjsae yungh Vah-cuengh, Vahyauz, Vahdung, Vah-mulauj, Vahmauznanz daengj vah minzczu vunznouix caeuq vah guekgia doeng' yungh roxnaeuz vahdeihfueng Vahgun dangdieg song vah senhconz fuengsik, senhconz hong yawhfuengz gaemhanh sinhgvanh feiyenz bang-rengz dwk doeng goengleix cei doeklaeng hong senhconz yawhfuengz gaemhanh binghra.

Ciuq cam rox, dieg comzyouq minzczu vunznouix Guengjsae aen cungsim yungzmeizdij si yienh hailaeb miz gvangibo cezmuuz vah minzczu caeuq densi cezmuuz vah minzczu, cungj yungh vah minzczu vunznouix dangdieg caeuq vah guekgia doeng-yungh roxnaeuz vahdeihfueng Vahgun

dangdieg song vah cienz sing senh-conz fuengsik, boqok gij sing' yaem, dunghcih, gunghgau, saehmoq daengj neiyungz yawhfuengz gaemhanh binghra, aeu gij gvendaengz cwngeuz caeuq fuengzhoh cihsiz yawhfuengz gaemhanh sinhgvanh feiyenz, gib-seiz cienz daengz dieg comzyouq minzczu vunznouix, guh daengz mbanjmbanj dingq ndaej daengz gij sing' yaem aendangj, bouboux dingq rox gij cihsiz yawhfuengz gaemhanh binghra, mbouj aenvih vahgangj dingq mbouj rox gij cihsiz yawhfuengz gaemhanh binghra cix lau.

Riengzdwk sinhgvanh feiyenz hwngfat, vunzlai yied daeuq yied lai haeujrwz faenh binghra neix, mbanj aen cungsim yungzmeizdij si yienh loegguh boquengq 《Benq Senhconz Fwen Yawhfuengz Gaemhanh Sinhgvanh Feiyenz》 banj vah minzczu vunznouix, lai roenloh cienzdoh gij cihsiz yawhfuengz gaemhanh binghra, gaenxmaenx sonyinx vunzlai

minzczu vunznouix vut gij gvenq gwnndoet mbouj cangqheiq bae, guh ndei henhoh ndanggaeuq caeuq caeuqfaenh yawhfuengz gaemhanh binghra.

Dangjcwng gihgvanh dieg comzyouq minzczu vunznouix youq mwh guhhong senhconz yawhfuengz gaemhanh binghra, yungh vah minzczu vunznouix gangj, yungh vah minzczu vunznouix gejnaeuz, yungh vah minzczu vunznouix fanhoiz, yungh gij hingzsik biujyienh vwnzva conzdungj maenhndei minzczu vunznouix daeuq senhconz, roengzrengz aeu gij gvendaengz cwngeuz caeuq fuengzhoh cihsiz yawhfuengz gaemhanh sinhgvanh feiyenz gangj ndaej cingcuq, hawj vunzlai minzczu vunznouix dingq ndaej mingzbeq. Cungj fuengsik yungh vah minzczu vunznouix senhconz yawhfuengz gaemhanh binghra neix, ndaej engq vaiq engq ndei engq gvangqlangh dungyenz, cujciz caeuq comzgiet vunzlai minzczu vunznouix, cienzmienh

doeksaed lenzfangz lenzgunq banhfap, cauhaeb diuz fuengzsiengq yiemzmaed baenz gyoengq fuengz baenz gyoengq cei.

Guengjsae gak dieg aen hezvei fwen veiyenz yungh fwen cungj hingzsik doengsug rox ngaih, vunzlai minzczu vunznouix gyaed dingq gyaed yawj haenx, aeu gij gvendaengz cwngeuz caeuq fuengzhoh cihsiz yawhfuengz gaemhanh sinhgvanh feiyenz bien baenz fwen, youq veihsinginz, veihsin gunghcunghau doisoengq cienzboq, hawj senhconz yawhfuengz gaemhanh binghra engqgya sengdoengh, engqgya depgyawj vunzlai minzczu vunznouix. Cienzciengq hot dem hot fwen gig miz daegsaek minzczu vunznouix, mboujdan daezswng lai roxyiuj gij cihsiz yawhfuengz gaemhanh binghra, lij diuhdoengh vunzlai minzczu vunznouix gaenxmaenx caeuqfaenh yawhfuengz gaemhanh binghra.

(Cangh Haijyingh)



Sanhgyangh:

Cieng Cibngux Souj-
maenh Itsienq Fuengz Raq

Ndwen 2 ngoenz 8 liggaeuq ndwencieng cibngux, Sanhgyangh Dungcu Swciyen Sinhyungjveih Swngshenh Cauhsi soengq ceizraemxrouh, noh daengj doxgaiq bae hawj vunz souj youq itsienq yawhfuengz gaemhanh binghra Sanhgyangh yienhsingz haenx, hawj gyoengqde youq mwh giensouj gangjvei roxnyinh ngoenzciet raeujrub. Ndaw doz dwg vunzguhong cauhsi aeu ceizraemxrouh hawj boubousouj.

(Gungh Bujgangh/龚普康)

Vanzgyangh: Ciengqgok Gij Fwen Mauznanz Gyalai Senhconz Fuengz Raq

“Binghdoeg yienghmoq sienghah hung, vunz ndeu baenz binghra daengz ranz ngaiz, cingj hawj caezgya haeujrwz lai, swheij gaej dang bouboux lujlaj, leu lang le le lang leu……” Mboengqneix, canghfwen dangdieg Vanzgyangh Mauznanzcu Swciyen doengqgya cauqhuh “leu lang le” Mauznanz aeu yawhfuengz gaemhanh sinhgvanh feiyenz guh neiyungz neix caemhcai loegguh baenz aen sibinz iq, aeu sibinz faenyienj daengz veihsinginz dangdieg le riengjret cienz

hai.

“Leu lang le” dwg cungj fwen Mauznanzcu ndeu, diuh lingzvued, caensaed caemhcai sengdoengh, gig miz minzczu daegsaek naekna. Aeu mbanj cihsiz yawhfuengz gaemhanh yungh fwen “leu lang le” ciengq okdaeuq, senhconz hawj vunzlai, cungj senhconz hingzsik neix lwgminz engqgya ciepsouh ndaej.

Mboengqneix, Vanzgyangh Mauznanzcu Swciyen Dangjveij, Cwngefuj najdoi qij hingzseiq youq-

gaenj yawhfuengz gaemhanh sinhgvanh feiyenz, gibseiz hainduj wngq-gip yawh' anq, giengzvaq yienh, yanghcin, mbanj sam gaep lienzdoengh, doengqgya gak cungj fuengsik haiguh senhconz yawhfuengz gaemhanh, guh diuz fuengzsiengq yiemzmaed laengzhoenx binghra. Ciuq caengz gyoepsuenq liux, daengz seizneix, aen yienh neix gaenq fat mbawsaw lwnhrox senhconz yawhfuengz gaemhanh sinhgvanh feiyenz daih' iek 10 fanh faenh, fat saenqsi

dinj hawj vunz 120 lai fanh diuz, veihsin doisoengq 6000 lai diuz, venj fukbaengzhoengz 650 lai diuz, guh senhconz banjgvai 100 gaiq, fat senhconz swliu 5 fanh lai faenh, doengzseiz yungh aen lahbah, wngqgip gvangibo bingzdaiz, aen cisenhconz riuzdoengh boq hawj gak mbanj, aeu gij saenqsi yawhfuengz gaemhanh senhconz hawj ranzranz cungj rox bae.

(Mungz Hungzyauz)